


佛本行集經

第二十五

二百九十八
業五

49730



佛本行集經卷第二十五

業

隋天竺三藏法師闍那崛多譯

精進苦行品下

尔時淨飯大王盛春時至遊戲觀看見諸園
林新出枝葉種種雜卉眾華開敷清淨莊嚴
遍滿其内水中鵝雁鴻鵠鴛鴦充溢諸池樹
上復有鸚鵡鸚鵒及拘翅羅或諸孔雀迦羅
頻伽命命鳥等自相娛樂或復命喚作微妙
聲時淨飯王聞是聲已長歎歎息捫淚而言
嗚呼我兒悉達太子忽然捨我奄經六年既
其出家今我不見咄哉我今獨用此活知復
何為我今不見子悉達故在於此處諸姝女

中左右圍繞。雖復晝夜作諸音聲。笙篪枇杷
琴瑟鼓吹。種種音樂。我今受此上妙五欲。我
子云何。獨自在彼山林曠野。無人衆內。爲於
種種野獸。圍繞虎狼師子。及白象等一切諸
獸。或復諸獸。各以爪牙。自相殘害。齧噉而食。
汝在彼處。誰復得知。或死或生。寂無消息。其
淨飯王心地。如是憶念愁憂。苦惱不樂。

介時菩薩在彼優婁頻螺聚落。行苦行時。羸
瘦困弊。欲起行動。力不勝身。立便倒地。介時
彼處地居諸天。見此事已。謂言菩薩身命將
終。心內憂愁。傳相告語。悉達太子。今忽命終。
時彼地居諸天衆中。有一天子。速疾往詣淨

飯王所既到彼已白淨飯王作如是言大王
當知大王太子悉達仁者捨四天下并及七
寶出家入山苦行之時今以命終其天衆中
復更別有一地居天速往王所而白王言大
王當知王子悉達雖未命終但其餘命不過
七日

尔時淨飯大王既聞諸天如此語已爲念子
故憂愁苦惱逼切於心而大唱言嗚呼我子
何故獨於空林而死雖得人身身不受五慾復
不證於無上法味作是語已身心迷亂悶絕
躄地時淨飯王諸釋種族悉聞此聲聞已悉
各奔集往詣淨飯王宮到已安慰淨飯王心

作如是言大王莫作如是苦惱又復大王現今身體極甚羸瘦莫因此事而取命終淨飯王言今日此處迦毗羅城是我親族眷屬品類凡有幾數居住此城

尔時彼等一切釋種即白王言大王當知今釋惣數一切凡有九万九千時淨飯王復作是言汝等眷屬若欲令我命全活者速疾示我悉達太子所居停處是時一切諸釋種等咸共報言大王當知大王乃可捉此大地及諸山林鐵圍山等大海須弥以一手擎擲於他方斯有是理欲令悉達煩惱未盡若當一切天上世間人物聚集欲將太子來向家者

終無是處

尔時釋氏國師之子名優陀夷白淨飯王作如是言大王當知我今能往悉達太子出家之處慰喻其意將迴向宮其淨飯王聞是語已即便報彼國師子言善優陀夷汝能詣向太子邊者或復太子取於汝語歸來向家汝共一處速疾還來若其太子不肯來時汝亦一形莫見我面所以者何汝發此言雖解我意若子不來我見汝面以承望故更倍增長我之憂愁

尔時國師子優陀夷嚴駕即從迦毗羅出逕往向彼優婁頻螺聚落之所尼連河邊既到

彼已其優陀夷初先遙見憍陳如等五人在
彼見已即問憍陳如言仁憍陳如悉達太子
今在何處時憍陳如即便報彼優陀夷言悉
達太子今已入林修行苦行時優陀夷復重
問言其親侍者名字是誰時憍陳如即報之
言汝優陀夷若欲知者其人名爲阿奢踰時

隋言
調馬

時優陀夷即便進語阿奢踰時作如是言阿
奢踰時汝今往詣於太子所如我所語爲我
通道仁父有使來到於此欲得相見時調馬
報優陀夷言我實不敢向太子邊通達此語
所以者何太子苦行已過六年自出家來不

曾將面向於生地對迦毗羅城邑而坐何以
故厭生患故汝優陀夷自可入林面見太子
對論父王所使言語

時優陀夷自入林中見於菩薩卧於地上從
頭至足皆被塵土無有威光與地同色身體
瘦削無復肌膚唯有骨皮裹身而已眼深却
陷如井底星遍體屈折節節離解其優陀夷
見於菩薩如是身形即舉兩手而大唱叫稱
喚號哭嗚呼嗚呼我釋種子今日忽至如是
厄難本時如是端正可喜如是妙色今成此
身與土無異既復不得解脫安樂徒勞損害
如是妙身

尔時菩薩聞優陀夷號叫聲已即便問言此
爲是誰內心乃尔憂愁懊惱如火所燒啼哭
而語時優陀夷報菩薩言大聖太子我是大
子本國國師之子名爲優陀夷者即我身是
太子之父淨飯大王使我來此叅迎太子菩
薩報言汝優陀夷我今不用此煩惱使我唯

欲得涅槃之使不欲父王此生死使
時優陀夷復更諮請於菩薩言大聖太子仁
今建立何等誓願乃尔牢固菩薩即報優陀
夷言唯願我身在於此地破碎猶如烏麻白
芥及以微塵若我不得自利利人其精進心
終不捨放而生懈怠我今身心誓願如是時

優陀夷白菩薩言大聖太子我從太子父王
之前受是誓言令我決定共於太子相隨入
城今日太子若有如是愆重誓願儻或未得
自利利人而取命盡我當去何敢捨太子違
本誓願將面空入迦毗羅城

尔時菩薩復更重語優陀夷言汝優陀夷我
今在此苦行之處儻我未得成就自利於其
中道而命終者汝優陀夷取我屍靈從本出
門扶輦將入迦毗羅城汝復爲我語彼一切
迦毗羅城內外人民作如是言此即是彼精
進之人無異語者立於誓願正意正心骸骨
之體汝優陀夷更復爲我答我父王所問訊

語汝諮我父作如是言大王當知王子已發
懃精進故今已捨命非因懈怠如實語者今
既捨命非是虛誑汝優陀夷我今雖然但我
在此林中夜夢如是無量諸天隱身來於我
邊頂禮我足而白我言悉達太子汝今應當
生大歡喜從今已去至七日內汝必剋成最
大利益汝優陀夷我得此夢終不空也汝優
陀夷今可還家我不用汝與我作友
尔時優陀夷既聞菩薩如是誓已於菩薩所
無復望心即從菩薩坐處林中獨自而出出
已還至迦毗羅城見淨飯王到已即白淨飯
王言大王當知王子悉達平安勇猛存活不

死淨飯王言若我太子安隱不死我更何愁
聞此語已心大歡喜

尔時欲界魔王波旬欲為菩薩生擾亂故於
彼六年苦行之內恒常密近菩薩左右伺求
其便微毫過失而不能得即說偈言

阿蘭若處既精好

樹木叢林甚可觀

優婁頻螺聚落東

尼連禪河岸隣側

彼處選擇得地已

誓願牢固結跏趺

發大精進勇猛心

我今決定得解脫

魔王波旬來詣彼

詐以美語而白言

唯願仁者壽命長

命長乃能得行法

命長方得於自利

自利已後無悔心

仁今身體甚羸
真實仁今千分死
但多布施承事天
如此或得大功德
求勝出家道甚難
魔王如是向菩薩
菩薩時以微妙言
波旬不善汝放逸
汝之於此福德心
若欲求於福德者
我觀死苦猶若生
若諸衆生皆滅沒

定取命盡當不久
福德怖或一分存
於諸火神修祭祀
用學神定作何爲
調伏自心亦不易
種種諸語而稱揚
音聲巧密報於彼
求自利故行世間
終無微塵等求覓
豈可發吐如是言
實無一念怖於盡
我心終不暫時迴

今架慾海建大橋
所以風災起天下
況此身內津血間
脂髓潤澤於先竭
肉消皮立氣力微
增長一切精進者
我今欲行是行時
所以不惜此身命
我心今有此至誠
世間未見有人輩
我寧爲死奪命休
丈夫寧當鬪戰死

精勤勇猛修梵行
尚能乾竭一切流
其汁寧得不枯涸
然後皮肉方乃乾
心意乃可得寂定
唯有入於三昧門
望得至彼勝覺處
汝須知我內淨心
智慧莊嚴甚牢固
堪能斷我此精勤
不用長年在家活
終不命在爲他降

健兒既能降伏他
唯健能破諸怨敵
汝軍第一是慾貪
第三飢渴寒熱等
第五即彼睡及眠
第七是於狐疑惑
競利及爭名第九
自譽矜高第十一
波旬汝等眷屬然
其有墮此惡行者
汝軍恒常行世間
我今見汝彼軍馬

降已更復何所畏
我當不久降汝魔
第二名為不歡喜
愛著是名第四軍
驚怖恐畏是第六
瞋恚忿怒第八軍
愚癡無知是第十
十二恒常毀他人
軍馬悉皆行黑暗
是彼沙門婆羅門
迷惑一切天人類
以妙智慧嚴勝兵

悉能降伏使無餘
猶如水破壞瓶器

盡破於汝大軍衆

我心正念安如山

消散汝軍亦復然
智慧方便皆成就

無放逸心而行行

汝何能得我瑕疵

尔時菩薩復作如是思惟念言若有沙門及

婆羅門過世時求自利故受於大苦或心

不喜或復身心悉皆不喜如是所受彼諸沙

門及婆羅門不過此苦如我今求自利益故

今受於此身意及心不喜等苦若復來世有

諸沙門及婆羅門為自利故所受身心一切

苦時不過於此如我今求自利益故身心受

苦唯未證得上人之法未得智見未證增益

更復何道而取菩提菩薩更復如是思惟我
念昔在父王宮內觀作田時值一涼冷閻浮
樹陰我見彼已坐彼陰下捨離一切諸慾染
心厭薄一切不善之法起分別心樂於寂定
而生喜樂證得初禪我今可還念彼禪定此
路應向菩提之道菩薩如是思惟念已如法
正觀一心而入彼之寂定望因此道至於菩
提即說偈言
此法既非是離慾
又非解脫之勝因
若我於今欲修學
坐彼閻浮樹下陰

亦復非正趣菩提
但是身心之苦本
應當如昔觀作田
離染獲證四禪定

尔時菩薩復作如是思惟念言彼之樂者唯
遠諸慾及不善法我今豈可不知彼樂我今
乃可證彼樂故爲欲成就一切智見菩薩更
復如是思惟我欲成就智見樂者應得生樂
但我羸瘦無有氣力豈可以身瘦無力故能
得彼樂我今可爲身求力故而食麤食或復
煮豆或麩或麩或油或蘓而塗此身然後求
於暖水澡浴

尔時菩薩語彼侍者婆羅門言提婆仁者我
從今更不用如前飲食活命我意欲求勝於
此食食以活命或飯食麩麩煮豆等或蘇油
脂欲塗此身及暖水浴汝能爲我辦此事不

是時提婆白菩薩言我今無有如是諸事又
我家貧不能堪辦此等諸物兼復我今若即
與仁亦未卒得仁但立誓我當爲仁方便求
覓菩薩問言汝今令我作於何誓是時提婆
白菩薩言若仁苦行訖了之時得心願滿仁
於彼時仁分法分復至我家當受我食菩薩

報言如汝所願

介時提婆婆羅門聞菩薩如是印可其已即
便奉辭菩薩而去還詣向彼斯那耶那婆羅
門家到已語彼婆羅門言仁者誑譏復樂法
行今此聚落相去不遠有一沙門行大苦行
彼不食來年月淹久今欲求食或飯麩麩蘓

脂蜜等或復煮豆及塗身油并湏澡浴仁者
今可與彼辦之

尔時軍將斯那耶那婆羅門家有於二女一

名難陀隋言喜二名婆羅隋言力然彼二女極大

端正可喜無比世間少雙彼之二女往昔曾

聞去此北方雪山之下有一釋種聚落處所

名曰迦毗羅婆蘓都彼城之內有一釋王名

為淨飯彼王第一最大夫人名為摩耶而彼

夫人生一太子極甚端正可喜絕殊容白非

常身黃金色頭頂上圓猶如傘蓋鼻如鸚鵡

臂長至膝一切身體悉皆正等諸根充備猶

如金像具足三十二大人相莊嚴其身周而

而滿八十種好時彼太子既誕生已將向相
師婆羅門所占看其記云此太子若在家者
必當得作轉輪聖王治四天下作大地主是
時具得七寶正法治化世間若捨出家必成
多隨阿伽度阿羅呵三藐三佛陀名稱遠聞
彼二女聞如此語已早曾諮父作如是言今
者既聞如是釋種其子端正可喜無雙彼太
子可作我夫主

尔時軍將斯那耶那從彼提婆婆羅門邊傳
聞菩薩此消息已語二女言汝姊妹等心願
應成所以者何汝等今速往詣於彼最大沙
門苦行之處何以故汝至彼已請彼沙門布

施及食尊重供養奉油并蘓以用塗身然後
別供暖水澡浴如是因緣後應得成汝等心
願尔時軍將二女聞父如是勅已將於家常
所有之食及油蘓等至於菩薩苦行之處到
已頂禮於菩薩足將所賣食奉上菩薩作如
是言大善尊者願食於我此所奉食

尔時菩薩從彼二女受於食已隨意而食取
蘓及油塗摩其身然後暖水以用澡浴是時
菩薩以彼油蘓用塗摩身各隨毛孔悉入其
體譬如土聚或復踈沙瀉蘓及油悉皆浸入
並不復現如是如是菩薩身體所塗蘓油皆
悉入盡並不復現菩薩是時猶未得復本形

身相

尔時菩薩飯食已訖告彼二女作如是言汝姊妹等藉此功德欲求何願時彼二女白菩薩言大善尊者我等昔聞有一釋種生一太子可喜端正世所無雙我願彼人作於我夫菩薩報言汝姊妹等我即是彼釋種太子我從今去願不更受五慾之樂我於當來欲成就阿耨多羅三藐三菩提願欲轉於無上法輪是時彼女姊妹二人聞此語已白菩薩言大聖仁者此事若然仁者必定得成於彼阿耨多羅三藐三菩提成已當至我等之家願見我等我等當為尊者作於聲聞弟子

菩薩復報彼二女言如是如是如汝姊妹二
人所願從此已去彼之二女日別送食以與
菩薩并將蘓油先以塗摩菩薩之身然後別
將暖水洗浴菩薩身體乃至漸漸令菩薩復
本身飾相

尔時菩薩告彼二女作如是言汝姊妹等從
今已去莫作別意將息身法但送我食何以
故我從今後我若當共女人身根兩相觸者
無有是處我意不樂我意不然

是時有一牧羊之子見於菩薩以苦行故身
大瘦損牧羊子見菩薩如是大精懃苦向於
菩薩心生歡喜即便長跪白菩薩言大聖尊

者我今意欲承事尊者供養尊重未審尊者
納受已不菩薩報言若知時者汝欲所作如
是早辦時牧羊子即爲菩薩塗摩身體將羊
乳汁奉上菩薩以用爲食又爲菩薩折屈拘
陀大樹之枝插於地上作於廕涼時彼所折
尼拘陀枝因以菩薩威神力故即從地生更
著枝柯葉華子等皆悉具足時人見之喚彼
樹爲羊子所種屈拘陀樹

尔時菩薩食鹿食時彼五仙人共相謂言悉
達太子今已失禪復其本性何況不失於持
戒也此今成是懈怠之人不得寂定心生憤
亂彼等如是平量訖已於菩薩邊生疲倦心

誹謗之心捨離菩薩而別他行漸至向於波羅捺國入鹿野園而修禪定而有偈說

彼等苦行五仙人

見於菩薩取鹿食

謂言無有禪定行

放逸自養五大身

佛本行集經向菩提樹品第三十上

尔時菩薩欲求於彼鹿食之時止欲令身少

得氣力當於是時而彼善生村主之女從初

始見菩薩已來起於彼日為菩薩作布施熟

食并及器皿若布施他或復於前未至日中

若見沙門若婆羅門乞食來者所乞熟食并

及食器而悉布施復心口念如是之願藉此

施食所有功德迴施於彼釋種太子所苦行

者願令成就早得諸通願速成就菩提妙果
願令苦行如心所願悉具足滿如是布施行
食并器經過六年

尔時菩薩六年既滿至春二月十六日時內
心自作如是思惟我今不應將如是食食已
而證阿耨多羅三藐三菩提我今更從阿誰
邊求美好之食誰能與我如彼美食令我食
已即便證取阿耨多羅三藐三菩提時菩薩
心作於如是思惟之時有一天子知菩薩心
如是思惟速往詣於善生村主二女之邊至
彼處已即告之言汝善生女汝若知時菩薩
今欲求好美食菩薩今須最上美食食美食

已然後欲證阿耨多羅三藐三菩提汝等今
可爲彼備辦足十六分妙好乳糜

是時善生村主二女聞於彼天如是告已歡
喜踊躍遍滿其體不能自勝速疾集聚一千
牝牛而構乳取轉更將飲五百牝牛更別日
構此五百牛轉持乳將飲於二百五十牝牛
後日構此二百五十牝牛之乳還更飲百二
十五牛後日構此一百二十五牝牛乳飲六
十牛後日構此六十牛乳飲三十牛後日構
此三十牛乳飲十五牛後日構此十五牛乳
著於一分淨好粳米爲於菩薩煮上乳糜其
彼二女煮乳糜時現種種相或復出於滿華

瓶相或現功德河水淵相或時現於万字之
相或現功德千輻輪相或復現於斛領牛相
或現象王龍王之相或現魚相或時復現大
丈夫相或復現於帝釋形相或時有現梵王
形相或復現出乳糜向上涌沸上至半多羅
樹須臾還下或現乳糜向上高至一多羅樹
訖已還下或現出高一丈夫狀還入彼器無
有一滴離於彼器而落餘處煮乳糜時別有
一善解海筭數占相師來至彼之處其見乳
糜出現如是諸種相見善占觀已作如是語
希有希有是誰得此乳糜而食彼人食已不
久而證甘露妙藥

尔時菩薩至於二月二十三日於晨朝時齊
整著衣欲向優婁頻螺聚落而行乞食漸漸
至於難提迦村至彼村已在村主家大門之
外默然而立欲求食故是時善生村主之女
見於菩薩在其門邊默然求食見已即便取
一金鉢盛貯安置和蜜乳糜滿其鉢中自手
執持向菩薩前到已即住白菩薩言唯願尊
者受我此鉢和蜜乳糜憐愍我故
尔時菩薩見彼乳糜調和於蜜内心如是思
惟念言我今得好封瘡之藥是故我今應須
強發精進之行欲證甘露及正法故又我久
來失此法體及是法行今日應須生道路故

我今發是誓願之相我辦是意如我今日此
所和蜜功德乳糜依時奉持揣食之食依法
食已我應須度死命鬼界伏彼死命鬼軍之
衆度於彼岸

菩薩如是思惟念已受彼乳糜而問善生村
主女言善婦仁者我之食此乳糜訖後將此
鉢器付囑與誰善生女言付與仁者菩薩復
言我如是器無有用處善生女言仁者隨意
思念所作又我從來布施他食恒常備辦并
器布施

尔時菩薩受彼食已從於優婁頻螺聚落正
念而出安庠漸至且連河岸到已即便持所

得食安置一邊清淨之地脫衣入彼河中澡
浴除身熱氣菩薩澡浴身體之時虛空諸天
以天種種微妙香末和彼水雨種種雜下雨
於水上

尔時彼處互連禪河以諸末香種種衆華弥
滿水上合雜而流是時菩薩於彼水中既澡
浴已取其袈裟於水中濯出披曬乾著於體
上欲渡彼水波流湍疾身體尪羸不能得越
兼復六年精懃苦行身力劣弱不能得濟彼
河之岸

尔時彼河有一大樹名頽誰那隋言彼樹之
神名柯俱婆隋言住依彼樹時彼樹神以諸

瓔珞莊嚴之臂引向菩薩是時菩薩執樹神
手得渡彼河菩薩所浴河內香水一切諸天
各各分取將還宮殿以此功德吉祥水故將
灑自宮

尔時彼河后連禪主有一龍女名后連荼耶

隋言不寡從地踴出手執莊嚴天妙筌提奉獻菩

薩菩薩受已即坐其上坐其上已取彼善生
村主之女所獻乳糜如意飽食悉皆淨盡菩
薩既食彼乳糜已緣過去世行檀福報業力
薰故身體相好平復如舊端正可喜圓滿具
足無有缺減

尔時菩薩食彼糜訖以金鉢器棄擲河中時

海龍王生大希有奇特之心復為菩薩難現
世故執彼金器擬欲供養將向自宮是時天
主釋提桓因即化其身作金翅鳥金剛寶喙
從海龍邊奪取金鉢向忉利宮三十天恒
自供養於今彼處三十天立節名為供養
菩薩金鉢節從彼已來至今不斷

尔時菩薩食糜已訖從坐而起安庠漸漸向
菩提樹彼之筌提其龍王女還自收攝將歸
自宮為供養故而有偈說

菩薩如法食乳糜

是彼善生女所獻

食訖歡喜向道樹

決定欲證取菩提

佛本行集經卷第二十五

卉許鬼鴻鵠
反許鬼鴻鵠
上胡毒反紅下鸚鵡
上音下音
欲衡長歔
下音

虛捫摸莫
上音下音
門下奄逕
下音上衣檢反音音
欲衡長歔
下音

枇杷
上音下音
琴瑟
下音鼓吹
下音去聲
齒噉
上音

巧躡地益
上音下音
號哭
上音瘦削
下音芥芥
同二輦輦
上音

音昇余正伺相
寺枯烟鶴
下音狐疑
明止音音矜高
上音

陵坏器回
上音反疋瑕疵
上音斯反下音麩餅
上音尺小漆漆
上音

澡非早上謾譏
下音字正淹久
上音衣傘蓋散
上音去音

藉才夜牧羊目
上音插於
上音楚慣乱姝
上音俱器
上音

丙明乳糜
下音密構
反古候淵
反烏玄斛
上音胡谷
反音

滌滴竿揣食官
上音徒濯
上音按曬
上音所力結賣
反音

樹綠頰於葛荃提全
上音七噍
反子委端
上音

反樹頰於葛荃提全
上音七噍
反子委端
上音

